

漢魏六朝百三家集

第十一冊

漢東

張河間

漢魏六朝百三大家集

卷之十一

雜著

張河間集卷之二

漢南陽張衡著

明太倉張溥校

賦

南都賦

南都爲光武舊里以置都焉
桓帝時欲廢之衡作賦以諷

於顯樂都既麗且康陪京之南居漢之陽割周
楚之豐壤跨荆豫而爲疆體爽塏以閑敞紛郁
郁其難詳爾其地勢則武闕關其西桐栢揭其
東流滄浪而爲隍廓方城而爲墉湯谷涌其後

盤紆芝房菌蠢生其隈、玉膏溶溢流其隅、崑崙
無以參、閬風不能踰、其木則檉松楔櫟、櫟栢柟
檣、楓桺欂櫨、帝女之桑、楮枿枅櫨、結
根踈本、垂條嬋媛、布綠葉之萋萋、敷華榮之蓁
蓁、立雲合而重陰、谷風起而增哀、攢立叢駢、青
冥盱眙、杳藹蓊鬱於谷底、森蓊蓊而刺天、虎豹
黃熊游其下、麋獬狔戲其巔、鸞鸞鵠雛翔其
上、騰猿飛獼棲其間、其竹則鐘籠箠篴、簞簞
箠緣延坻坂、澶漫陸離、阿那蓊茸、風靡雲披、爾

其川瀆則渚澧灤澧發源岩穴潛匿洞出沒滑
漈滴布濩漫汗漭沆洋溢總括趣飲箭馳風疾
流湍投濺砢汎輶軋長輪遠逝漻淚洑汨其水
蟲則有蠓龜鳴蜺潛龍伏螭鱣鱣鰭鰭鰐鰐鰐
蛟巨蚌函珠駁蝦委蛇其陂澤則有鉗盧玉池
赭陽東陂貯水渟渟亘望無涯其草則有蘼薺
蘋莞蔣蒲蒹葭藻茆菱芡芙蓉含華從風發榮
菲披芬葩其鳥則有鴛鴦鵠鷺鴻鵠鴛鴦鵠鷺
鵠鵠鵠鵠鵠鵠鵠鵠鵠鵠鵠鵠鵠鵠鵠鵠鵠鵠鵠鵠

竇灑流浸彼稻田溝澮脉連堤塍相轄朝雲不
興而潢潦獨臻決渫則曠爲漑爲陸冬稌夏穡
隨時代熟其原野則有桑漆麻苧菽麥稷黍百
穀蕃廡翼翼與與若其園圃則有蓼葳蕤荷諸
蔗薑藟荇萸芋瓜乃有櫻梅山柿侯桃梨栗棗
棗若榴穠橙鄧橘其香草則有薜荔蕙若薇蕪
蓀萋晻曖蒨蔚含芬吐芳若其厨膳則有華薌
重秬滢臯香杭歸雁鳴鷄黃稻鱸魚以爲芍藥
酸甜滋味百種千名春則夏筍秋韭冬菁蘇菽

紫薑拂徹羶腥酒則九醞甘醴十旬兼清醪敷
徑寸浮蟻若萍其甘不爽醉而不醒及其糾宗
綏族禴祠蒸嘗以速遠朋嘉賓是將揖讓而升
宴于蘭堂珍羞琅玕克溢圓方琢琕狎獵金銀
琳琅侍者蠱媚巾幘鮮明被服雜錯履躡華英
僇才齊斂受爵傳觴獻酢既交率禮無違彈琴
擲籥流風徘徊清角發徵聽者增哀客賦醉言
歸主稱露未晞接歡宴於日夜終愷樂之令儀
於是暮春之禊元巳之辰方軌齊軫祓于陽瀕

朱帷連網、曜野映雲、男女姣服、駱驛繽紛、致飾
程蠱、僂紹便娟、微睞流睇、蛾眉連卷、於是齊僮
唱兮、列趙女、坐南歌兮、起鄭舞、白鶴飛兮、爾曳
緒、修袖繚繞而滿庭、羅襪躡蹠而容與、翩緜緜
其若絕、眩將墜而復舉、翹遙遷延、蹶躑躑蹌、結
九秋之增傷、怨西荆之折盤、彈箏吹笙、更爲新
聲、寡婦悲吟、鷓鴣哀鳴、坐者悽歛、蕩冤傷精、於
是群士放逐、馳乎沙塲、騷驥齊鑣、黃閒機張、足
逸驚飈、鏃析毫芒、俯貫魴鱖、仰落雙鷁、魚不及

竄鳥不暇翔爾乃撫輕舟兮浮清池亂北渚兮
揭南涯汰滌潏兮船容裔陽侯澆兮掩鳧鷖追
水豹兮鞭蜩蝻憚夔龍兮怖蛟螭於是日將逮
昏樂者未荒收歡命駕分背迴塘車雷震而風
厲馬鹿超而龍驤夕暮言歸其樂難忘斯乃游
觀之好耳目之娛未覩其美者焉足稱譽夫南
陽者真所謂漢之舊都也遠世則劉后甘厥龍
醢視魯縣而來遷奉先帝而追孝立唐祀於堯
山固靈根於夏葉終三代而始蕃非純德之宏

圖孰能揆而處旃。近則考侯思故。匪居匪甯。穢
長沙之無樂。厯江湘而北征。曜朱光於白水。會
九世而飛榮。察茲邦之神偉。啓天心而寤靈。於
是宮室。則有園廬舊宅。隆崇崔嵬。御房穆以華
麗。連閣煥其相徽。聖皇之所逍遙。靈祇之所保
綏。章陵鬱以菁蔥。清廟肅以微微。皇祖歆而降
福。彌萬祀而無衰。帝王臧其擅美。詠南音以顧
懷。且其君子。弘懿明獻。允恭溫良。容止可則。出
言有章。進退屈伸。與時抑揚。方今天地之睢刺。

帝亂其政豺虎肆虐真人革命之秋也爾其則
有謀臣武將皆能攫戾執猛破堅摧剛排捷陷
局蹴蹈咸陽高祖階其塗光武攬其英是以關
門反距漢德久長及其去危乘安視人用遷周
召之儔據鼎足焉以庀王職縉紳之倫經綸訓
典敷納以言是以朝無闕政風烈昭宣也於是
乎鯁齒眉壽鮐背之叟皤皤然被黃髮者喟然
相與歌曰望翠華兮歲蕤建太常兮裊裊駟飛
龍兮駢駢振和鑾兮京師總萬乘兮徘徊按平

路兮來歸。豈不思天子南巡之辭者哉。遂作頌曰。皇祖止焉。光武起焉。據彼河洛。統四海焉。本支百世。位天子焉。永世克孝。懷桑梓焉。真人南巡。覩舊里焉。

週天大象賦

垂萬象乎列星。仰四覽乎中極。一人爲主。四輔爲翼。鈎陳分司。內座齊飾。華蓋於是乎臨映。大帝於是乎游息。尚書諮謀以納言。柱史記私而奏職。女史掌彤管之訓。御宮揚翠娥之色。陰德

周給乎其隅。大理詳讞乎其側。天柱司晦朔之
序。六甲候陰陽之域。其文煥矣。厥功茂哉。環藩
衛以曲列。儼闔闔之洞開。北斗標建車之象。移
節度而齊七政。文昌制戴筐之位。羅將相而枕
三台。闢天床於玉闕。乃宴休之攸御。肅天理於
璇璣。執威權而是預。天搶天掎以相指。內厨內
階而分據。雙三夾斗而熒諧。兩乙賓門而佐助。
爾乃天牢崇圉。設禁暴之隄防。太尊明位。擬聖
公之寵章。太陽接相以班跡。立戈撥杓而耀芒。

勢微微而有象，輔熠熠而流光。薦秋成於八穀，務春採於扶筐。天厨厥今，供百宰傳舍。開兮通四方，偉天官之繁縟。立䟽廟之隆崇，何太角之皎皎。夾攝提之融融，七宿畫野以分區。五宮立都而對雄，旣以厯於中宮。乃回眸而顧東，觀角尤於黃道。包分野於營中，開天門之燦耀。揖進賢之雍容，是推紀於變節。是正綱於大同，其次則梗河備預，招搖候敵。泛舟亢池，飛觴帝席。周鼎毓神，天田豐籍。按三條於平道，賓萬國於天

門置平星以決獄，列騎官而衛閭，陽門守於邊
險，折威防於將奔，頡頏司於五聽，車騎參於八
屯，望南門之峻關，覲庫樓之城府，偃蹇列於四
衡，的厯分於五柱，或藏兵而蓄銳，或重肩而禦
侮，煥蒼龍之中宿，矚氏心以及房，聽朝路寢，布
政明堂，爰俾其地于宋之疆，粵若太火赫然天
王，鈎鈐儼於鳳闕，積卒穆於龍驤，天輻備於舉
輦，鍵閉守於關梁，騎陣啓將軍之位，從官主巫
醫之職，罰作贖刑，日爲陽德，二咸防非而體正，

七公議賢而糾慝，陣車雷擊乎其南。天乳露茲，
乎其北。彼貫索之爲狀，實幽圉之取則。厯龍尾
以及箕，騁北燕而在茲。配四妃而有序，均九子
以延慈。龜曳尾而波泳，魚張鱗而水嬉。天江爲
太陰之主，傳說奉中閭之祠。糠爲歛揚之物，杵
爲舂臼之用。天鑰司其啓閉，丈人存其播種。狗
以吠盜，奸回靡縱。却睇女床，前瞻天紀。耀棘庭
之金印，粲椒宮之玉齒。中有崇垣，厥名天市。車
肆中衢，以連屬。市樓臨箕而鬱起，帝座類候而